

. naTra ana d taruan dakita b`da bra d nbaT rba ana bra ana d nbaT rba trin Turia  
dakiia huit albšun lbušia dakiia d mn tlatma ušitin iardnia `laiia d arqa d nhura  
`tniSbit dmutai dmut iauar ziua d `tniSbit mn atr ksia anana nSablh mn hšuka  
lahuat lahuat mn hšuka ulahuaba hasir ubSir hasir ubSir lahuaba ulahuaba d mn  
bit tiniana hua qrun uqaimun uzarzun upaqdun uadiauria nSablh nSablh  
padibria `utra d madihta praš šalTun ltaruan dakita u`l kul šuta kasita d bha  
amarlia uaprišun ltaruan dakita mn arqa d iušamin huat aprišun larqa d aiar  
ulmalka d aiar iaqra minh `tinsib aprišun larqa d aiar d qudam arqa d taruan  
dakita huat aprišun larqa d nSab rba ul`qar giua dakia `tinSib mn iardna  
ulškinata d štikinbh `l `utria d iatbia balbuša taqna aprišun lrazia rurbia  
d nhura d atutia kursia d arqa d aiar šrun uzarziun bmazarzun bmzarzuta d lanihTibh  
mardia `tit lalma d arqa d tiniana d minh hua hasir ubSir qrit qala d hiia  
uniSbit rbia niSubta niSubta d rbia niSbit ubihrit bhiria had had bhartinun  
ubanitinun uaprištinun lTapta lTabta anhartinun ainaihun dukta d rbia iatbia  
aprištinun bdrašia usidria kasiia ulbuta utušbihta d atalun banitinun  
bbiniana d hiia ulaptinun blaupa d hiia anhartinun b`ruta d napša usaka litlh  
aprištinun uhauitinun dmuta d mn atra kasia huat kd hazin bhiria libaiun d kaiub  
`tapa qrubh bkaluza uaqimtinun lmaštuSia baTlia qrubh bkaluza ulgaT liguTta mn  
riš briš qrubh bkaluza d randid uaqim šakbia d šrara traS traS bgu baita uganbaiun  
bihdadia ganbaiun mhun mhun u`zdaraz uqambia balma ganbaiun mhun bihdadia mn  
`bidata d šuba labad labad `bidata d šuba udmnutun laštípil ruha d hzatinun `da lriša  
šadia `da šadia lriša ugdula briša satra ruha bbišuta lbna bukra qarialun  
`tun `tun bnai bukra mindam d amarlkun šuma minaikun naSilun qulala uminaikun  
naSilun niqmun pirSia nišbqubh šiha unura bgauh d hazin alma nibadbun bišuta  
uiaqdana umaTarta nišbuq nišania zaina mšiha unakšilh lkulh alma ninsba lkula  
kana d nišmata unipalgia bmna mna šutan niqrilun ltarmidia bkaluza unitilun mn  
šutan mn šutan nitilun unišria mn `bidatan `lauaihun unirmia šiha uqublia  
balma nikatria lqala d hiia uniasqia mn alma niqria l`ušuma d hiia umaSbuta  
d `STbuba biardna nitirSa mn ma miduta d hizda umšiha baTla nikapria lpihta  
ukušTa umambuha unitirSa lqudša balma ninisba ltibil kulh unišdiia bnura  
d iaqda niradpinun lbnia šurba rba d hiia d `lauaian mitraurbia kulhun naSuraiia  
d mitligTia bligiTtan dilan nitraSlun kana d zidqa mn riš briš d iahiblin akasta  
nitilun ridpa balma `l d qaimia umithašbia šuba nbaT br iuhana mn pagria npaq npaq  
mn pagrh ušamar baiar mizlh šamar uazal `utra alma lmaTra d ruha mTa ruha d hzath  
kursia latuta `tirkin maTaraiia d hiziuia šuTa mn `daiun npal šuTa npal mn  
`daiun umn zangaiia zanga npal haršia d ruha `triglun u`tbadar `bidata d ruha  
bmna mna malalat ruha d qudša lbhiria zidqa d timarlun hazin `tit mn tibil ulilia  
hauia bit mizlak umn hualak naTra uman apqak minh mn alma ulman `tlak ruhSana  
uman hualak pirqa bhimnu atra dart bgu baita ulaškina škintak balma ulabadt  
mn `bidatan uatutan la`štpilt mn qulalan haizak šuart mn pirSan mn pirSan  
haizin šuart mn šihan ušigran haizak šuart mn nuran d iaqda man parqak uapqak mn  
hšuka d anin šbaqnin balma man hualak mara uman hualak naSba `lh adiaurak dakia  
gabra d hualak munqa d qaima uamra ruha pra maTia adiauria maTia adiauria dakia  
d Srak bqalh uašman Srak uašman bqalh uaniha llibh llibai samkia malalat d timarlun  
nimrus `ma d alma hašta man hualan naSba ulnhura haizin salqat amarnala ana mn  
nhura `tnaSbit ulalmia d nhura mizlai ašaliat bqala uqihdat ušauTa mn `da anpal  
uamra lbar mn dilak `utra lnhura lanisaq `niš `niš lnhura lanisaq mn  
hazin alma lanisaqun ulanizhunh latar nhur lanisqun naSuraiia d lbuša `pika  
labšia lanisqun naSuraiia d bargba uminuna sahdia sahdia bargba uminuna ušumh  
d iauar ladakria ladakria šumia d iauar uagra uzidqa laiahbja laiahbja agra  
uzdqa umihiatun dilun lamasin lamasin mahiatun ulpirSa ugaura uhbala uzaniuta  
iahbja iahbja lhala uzaniuta bšaba mihiata mitamhin mitamhin bšaba mihiata  
unaplia bmaTarata d šuba kukbia kulhin nišmata d abdia bišuta kd zimta d riša gaTna

d kapar bšumh d hiia muta tiniana nimut nimut muta tiniana utihšuk dmuth  
 ulatidna kd haizin amrat ruha ziu d adiarh dna dna adiaurh dakia ruha niplat  
 mn kursia mn kursia niplat ruha ušda bakla d ziua mha šda mha bakla d ziua ruha  
 bqulalia d napša šda rma ruha rma bqulalia d napša uazbrat anpa uliama rba d sup  
 liama azbrat anpa ulahuala mamla d timarlh nisban bšuba malalia kasiia uasiq  
 tirSan quram ab uSiban bmaSbuth ubmalalh qaiman qaiman bmalalh urišuman  
 bdakia rušuma albišan 'uSTula d ziua d šanai usaka litlh traSlia klila dakia  
d luath nahra kasian TarTabuna d mn arqa d aiar `tinSib `tinSib mn arqa d aiar  
 umanhar ziu mn šamiš mn riš briš šiknun bškinata kasiata d škinalh lab  
 iuhana kd npaq mn alma hzaith ldmuth rbia d šanai ubaiar umitraurab hzaith  
 lnhura rba hzaith lpasimka iaqra uhzaith lhibil ziua lgabra d parqan mn alma  
 parqan mn d sunia uparqan mn maTarata d šaun šuba bhazin alma hauian dmut rbia  
 uaprišan lgupna šania aprišan lšar gupna rba d hiia d bškinta d iura rba  
 ganzibra triS nSablh almia d nhura uškanlh škinta kd dilh uamar kulhin nišmata  
d napqa mn haka ušiha ušauia latar nhur kul nišmata d napqa bškintak dilak  
 ništkin uhiia zakin sa

. bšumaihun d hiia rbia mraurab nhura šania `utra mn lbar qaria uladam gabra  
 qadmaia maprišlh amarlh ladam latišhar ulatiškub ulatinšia lmarak paqrak  
 latihua br baita uhaiaaba btibil latitiqria latirhum klilia busma  
 ulatišapar atuat d mragaga latirhum ragagta ulatirhum ragagta ulatirham busmania  
 ulatibaTil rahmak d lilia latirham Tulalia d zipa ulašamašta d mragaga latirhum  
 ragagta uTlaniata d mkadba latišdia ulatirdia ulatinšia lmarak mn 'uSrak lmizlak  
 ulmipqak hzia lmarak manšiatlh lmišlak ulmitiak hzia lmarak manšiatlh lmitbak  
 ulmiqmak hzia lmarak manšiatlh lmišlak u'l mišakbak hzia lmarak manšiatlh  
 latimar ana d bra bukra ana kul d abidna skulta litlh adam hzia lalma kulh mindam  
d lau mindam hu mindam hu d lau mindam d ruhSana bgauh litlak triS uiatib muzania  
 umn alpa bahar had bahar had mn alpa utrin bahar mn ruban baTlia klilia busma  
 ušpur d atuat d hauia kd d lahuat baTla busmania uragaTta d lilia šalman baTlin  
 kulhun `ubadia usaipia uhauia kd d lahun kd haizin šuma adam uhaulal lnapšia ubka  
 malil l'utra d hiia d nimarlh kd iaditun d haizin hauia alma šbaitun mn atrai  
 urmaitun bgu pagra zapra bpagra zapra rmaitun ušdaitun b'šata akla b'šata 'kilta  
 šdaitun d kul ium sruta salqa amarlh šduq qalak adam riša d kulh šurubta alma  
d `titlh lmihua l'ka d nibaTlh tum qum sgud lrbia u'dania d hiia nihuilak pirqa  
d hiia pirqa nihuilak tisaq tihizia latar nhur uhiia zakin sa

. qala d manda d hiia d qaria umapriš lkulhun rahmia amarlun bhiria makik libaikun  
 upašiq uhalil uašig unha bkušTa `uSraikun latirihmuia lminSa d hiziua  
 urihmuia almia hiziua alma urihmuia uazal bširba rhiTiun bhirai rhum kušTa  
 uzidqa d bima rmilun mabra bima mabra rmilun ualip alip lkipia qaimia alip alp  
 qaimia lkipia umn 'ma mania mabar had mabar umakik liba kšiTia umhaimnia  
 uailinun lbišia ukadabia d 'nišua lzidqa ulaiahuia 'nišua ulaiahbuia lzidqa  
 ubaitia utanin lmbra baitia lmbra tanin ulasalqia bišia latar nhur mištaiin  
 hiia zakin uzakia gabra d asgia lka sa

. mn atra d nhura nipqit minak daura taqna migaš lilbia atina lhinduzia  
 ulnasuiia `uSria kulhun mihizia d manu aitan ulmanu šarinalh l'uSria d ranibia  
 rnibia d adkar šumai 'iadkar šumh d baiilh lbutai mn tibil ana `biia lbutia  
 mn atar nhur d baiia butai utušbihtai ana 'bia napša kabira 'lh atit  
 uaškitinun lilbia kšiTia umhaimnia kd ana lahat binataihun šumai  
 lpumaihun rmia ligTit uasiqtinun aluat `utria d iukabar rba uamarnalun  
 šalmania basam rihaikun ubinataikun ziua šria mšabit marai d lšalmania  
 lamagzirir uhiia zakin sa

. mn iuma d rihmit hiia umn iuma libai kušTa rhim mn iuma d rahim hiia ruhSana  
 balma litlia laba u'l `ma ruhSana balma litlh lahh ulahuath ruhSana balma

litlia lzauai ulbnai ruhSana balma litlh lšauTa ušulTana ruhSana balma litlh  
larqa ubiniania ruhSana balma litlh llbušia rgigia ulksuiia šapiria ruhSana  
balma litlh `l `bid ulmibad ruhSana balma litlia lalma kulh u`l `bidath ruhunana  
balma litlia `lh ana lnišmat hadarna d šauilia daria ualmia azlit unišmat aškit  
limalia kulhun almia silqit lTuria ramia unihtit `l paqata d mdalia `zlit uaškit  
ulkušTa l bab `zlit uaškath kd qaiim lbariut almia qaiim utlata šmimia b`dia  
lgaT šmimia nisbit minh ainai banhura `timlia nsabth ltiniana banta ubananta  
lnapšai nsabth ltlitaia silqit hzaith latar nhur mšabit malka d nhura  
d `lauaian brahmia mitimlia umšabin hiia sa

. bhiria mn lhil dariš ulbnia d adam maprišlun maprišlun lbnia d adam lhalin  
tmimia d mindam la`dun amarlun ia almia tmimia ruhSankun lmahu nihuia kd iama d sup  
maTitun iama d sup bhimSia tihalpun kd Tura d hšuka maTitun maTitun Tura  
d hšuka bhamSia tihalpun kd zibna hauia d mašqlankun umapaqta d pagria maTia mahu  
hauia zauadaikun hauia zauadai d `uhraikun amrilh ha dahban ukaspan hauia  
zauadai d `uhran hargaban ha minunan hauilan pirqa d `uhran ha šauTan ušulTanan  
hauilan iahab `da ha `bid mibad hauilan simaka b`uhra bhiria mn lhil dariš  
lbnia d adam maprišlun maprišlun lbnia d adam lhalin tmimia la`dun amarlun  
ladahbaikun lakaspaikun lahauilkun zuadai largbaikun ulaminupkun lahauilkun  
pirqa lašauTaikun ulašulTankun lahuilkun ahid `da la`bad ulamibad lahauilkun  
simaka `tkanašia almia udaria lqudam šliha d hiia azlia uamrilh bhaiak bhaiak  
šliha d hiia galilan lrazia d `uhra amarlun `daikun natna zidqa ulibaikun niqu  
bhaimanut kušTa kbuš usgud lmalka d nhra d `lauaikun brahmia nitimlia hanath  
nihuia zauadaikun unihuia zauadai d `uhrakun umšabin hiia sa

. lbaba d bit hiia sgid `utra u`tib draš uamar kd rbaihun huit umalpania mtaqnana  
hwaitlun lšapria kd rbaihun huit lhakimia man šabšan usakla huit man šabšan huit  
sakla urmit bpatria nišimta uamar l`mat l`šlum kila uminiana d alma tarualun  
laiqia d aiqilun tarualun lbnia haria d mn qdim hualun hašta litlaihun tarualun  
lbnia haria d `ulSana btibil sabla `ulSana sabla btibil umn iad šuba mitparqa  
tarualun laiqia d aiqilun aminTul d alma nkalinin unkaltinin alahuta d bh mšabit  
marai d lšalmania lamagzirit sa

. hazin manu br manu haizin šapiria znh haizin znh šapiria umizdahar bnapšia  
balma amria `lh bišia d hab šiha nišbuq `lh nišbuq `lh šiha unikatrh aluatan  
balma niSTia unišhar libh ninšia maria d paqdh ninišia lnihuta d mriduta  
tišria `lh ninišia ldirka unitia bšauTa mn abatran ana bhailh d marai qaiimna  
btušbihta d gabra naSbai ligTit ulašauar libai ulanšit marai paqdan lanšait  
lnihuta umriduta lašrat `lai lanšit drašia usidria ulazimrit mn zmara baTla  
lanšit dirkia nihia uazlit bhaTia mn abatrūn hinila diršit uqarqaltinun lbišia  
d hazin alma uamarna lau mida iaditun bišia d ana lamitigzarna balma sigdit  
ušabata lmarai d hu nihuilia adiaura umšabin hiia sa

. kušTa bak sahidna kd gabra d baiia binta lak msakia ainai bhira d hiia d sgia  
lka ha amarlh lilbab ninha uamarlh ltirat nitapa amarlun lriuania  
nikanun lduktaiun amarlh lmiSar zabia nimSurlia bzabia miSra amarlh lnaTar  
liamamia ninTarulia biama mabra amarlh lmaiak Turia nimukulh bTuria `uhria amarlh  
lSaiar Silmia Surata habiThak brišak ragagta amarlh lardikla d pagria  
d sarhib bbinianak bnia sarhib bnia bbinianak d ligal minh napqit alma mibTal baTil  
u`bidata mištamra abid dahba rhima ukaspa miba lamitaška mitauria lilibia hadua  
uazil zmarun baTil malka šabiq tagia ubnia haria bšibia azlin šalmania salqia  
lnhura ubišia haka mitkamria uhiia zakin sa

. mn kulhun qalia d šimit `nianak qalak br rurbia basam qal qalaihun umhalai qala  
d mamlalun šania atra d iatbibia ulitlh saka ltušbihtaihun nahiria ukabiria  
bsidraihun kul d Sabin abdin ana latrai kd qaiimna šalit d rba šulma amarna man  
`hablh mn hailaihun rama d hauilia bdaria simaka `hablia mn šulTanun piha  
pihlan bdaria kulhun šanai man pihta lpmai kd puma d praš ziua uspihatai kd kipia

trin akuat mia d azlibia bauata udrašia usadria mlan asqan latra d iatubia  
d šanai utaqun unahur umanhar mn riš briš mn albšan mn ziuaihun mn nhuraihun  
man kasian man asqan luataihun man šiknan lnišmat bškinatun ana latrai kd  
qaiimna šulta d šalit ‘hablh`hablh mn hailaihun rama d hualia bdaria simaka  
`hablh mn šulTanun d anat huaitilh d bdaria kulhun šanai pihtuia lpumh kd pumh  
d praš ziuu uspihata kd kiph trin akuat mia d azilbh drašia usidria mlan asqan  
luataihun ušiknu lnišmat bškinth d hiia hauiua atra d iatubia ušanai utaqun  
umanhar mn riš briš albišun mn ziuaihun umn nhuraihun kasiun dukta d iatbia  
rbia atra d Tabia hatam šria dukta d iatbia rbia laiit bgauh hasir ubSir atra  
d larba šamšia ušragia d nhura lahaškia uhiia zakin sa

. qala d manda d hiia d qaiim bbiriut almia bbariut almia qaiim mqarilun  
mqarilun lbhria ualgaT `lauaihun sahdia uamar hiia bsahdia hulua lqaria mn  
tibil qrit qrit uabditinun ula abria šabqia ‘bdata d hiia u`bdata d tibil  
abdia šabqia Subian hiia uSubian d pagria abdia šabqia agra uzdaq btiqlata  
d bišia mitaqila qrit upaqadtinun d `marlakun maraikun abadbuta buta uptan pihta  
usgud ušaba lhiia rurbia lhiia rurbia sgud ušaba d bdirkia d kušTa tisqun tihzun  
latra d saka litlh uhiia zakin sa

. halin sidria uaprišata uzharua d ansit ana ania uania umradpa d radpun  
šuba bhazin sabilna bliba kšiTia umhaimnia abda d kulh haTaiia ana d ahai  
tarmida ana rbai mhatam zihrun br rbai adam br rbai mhatam iuhana br rbai  
iahia sam br rbai sam bihram br rbai iahia bihram br rbai iahia bihram br  
rbai adam br rbai iahia adam br rbai šitil br rbai ram br rbai zakia br  
rbai iahia br rbai zakia br abuhun d ganzibria rbai mhatam br rbai sam laqab  
manduia ukinianh `kuma d ansit lhad šalmantia umhaimna d sahad liba bhiia  
umaria manda d hiia uahbat zidqa ukidbat hazin sidra uginza rama d huila  
dukрана btibil uhatam balma rurubia `laiia d nhura d h` šuma d maSbuta šarat  
pt haua simat ušuma d mqarila biniia brata d dihla br maTlum br kTaiir br  
(ayin)idan br baiuT laqab pirišia ukinianh `kuma d nsit mn kdaba d `da d rbai  
mhatam iuhana br rbai iahia sam br rbai sam bihram br rbai iahia bihram br  
rbai iahia bihram br rbai adam br rbai iahia adam br rbai šitil br rbai ram  
br rbai zakia br rbai iahia br rbai zakia br abuhun d ganzibria rbai mhatam  
br rbai sam laqab manduia ukinianh `kuma d ansit lhad šalmantia umhaimna  
d shad liba bhiia umaria manda d hiia uahbat zidqa ukidbat hazin sidra uginza  
rama d hauila dukрана balma btibil hatam balma rurbia `laiia d nhura d h`  
himian brata d (ayin)aTuan br sabi(ayin) br šam(ayin)an br ganim br paraš br rbi(ayin) br dihis  
kinianh ku(h)ailh d kidbit mn kdaba d `dia d rbai iahia zihrun br rbai iahia  
ram zihrun br mhatam br mhatam iuhana br bihram br mašid br našmia br karam  
br kiria br haiat ukinianh sabur d hu ansa lhad šalmana umhaimna hu `stad  
(ayin)aTuan br sabi(ayin) br šam(ayin)an br ganim br paraš br rabi(ayin) br dihis kinianh  
ki(h)ailh d ansala mn kdaba d ab dilh d hu ansa lhad šalmantia umhaimna d h`  
(š)uhun brath d `ustad dizpulh br paizia br qamus br našmidin br ra(š)ab br  
našmidin br (ayin)abdil (h)asan kinianh sabur d ansa mn kdabh d `da d rbai bihram br  
rbai bihram iuhana br rbai bihram iahia br ganzibra taqna rbai iahia bihram  
br rbai adam br rbai iahia adam br rbai šitil br rbai ram br rbai zakia br  
rbai iahia br abuhun d ganzibria rbai adam laqab manduia kinianh `kuma d ansa  
`l `stad dilia br (ayin)abid kinianh quTana mn sidra d ansa rba urama iaqira  
ganzibra taqna lnapšia rbai ram iuhana br rbai iahia zihrun br rbai adam br  
rbai adam br rbai šitil br rbai ram br rbai zakh br abuhun d ganzibria rbai  
mhatam br rbai sam laqab manduia kinianh `kuma d ansa mn sidra ham napšia  
`stad sa(ayin)ud br bišara kinianh riš draz d ansalh mn sidra d rba urama uiaqira  
ganzibra taqna rbai sam iuhana br rbai iahia adam br bihram zihrun br adam  
iuhana br zid br sam br bihram br rbai adam br rbai mhatam br rbai baktiar  
kinianh (ayin)isikir d ansa lnapšia mn sidra d ansa zibna qadmaia lnapšia mn sidra

d haua simat bratia d adam br (g)arib kinianh tum d ansalh mn sidra d ganzibra  
taqna rbai iahia iuhana br rbai ram kinianh uansa mn sidra d ab dilia d ansa  
`ustad paiad br naSir ldin kinianh iahiauia laqab `upaišia mn trin sidria  
had paiad br bihram ku(h)ailh hurina sidra d ganzibra taqna rbai iahia mhatam  
br rbai sam adam laqab manduia kinianh `kuma d ansalh ahh rbai sam iuhana br  
rbai sam adam manduia d ansalh mn sidra d iahia baian br `stad laiit d ansalh  
rbai iahia sam br hibil zihrun (ayin)aziz d ansalh mn sidra d dihdar hulh (ayin)asikir  
d ansalh iahia sam (ayin)aziz mn sidra d rbai adam iuhana br anuš mu(ayin)ailh d ansalh  
rbai saruan bulbul br adam baian kinianh zarzuia d ansalh mn sidra d mhatam  
zihrun mušarah d ansalh rbai baian br adam šupurtaiia mn sidra d šualaiia br  
iuhana d ansalh ham rbai baian br adam šupurtaiia mn sidra d haua brathh  
d iuhana zakia maknušta d ansalh iahia iuhana br bihram br anuš mu(ayin)ailh mn  
sidra d ansalh lsam hibil br adam uiahia iuhana bihram br anuš mu(ayin)ailh ansa  
mn sidra d napšia d ansalh ab anuš mu(ayin)ailh br anuš bihdad mn hatiqia d hun  
škinia luatia uhazin asata huat ula'gaiid zharia d mansalh haka sidra asata  
iatir lahuatalh uhiia zakin lalam almia sa